



12.10.2022

UKA 2022/124

Pele Broberg, Naleraq

**Namminersorlutik Oqartussat Stockholmimi nunani tamalaani isumaqatigiisummut tunngatillugu Kalaallit Nunaannut nunamut nangaassuteqarneq atorunnaarsissagaat pillugu Inatsisartut aalajangiiffigisassaattut siunnersuut.**

(Nunalerinermut, Imminut Pilorsornermut, Nukissiutinut Avatangiisinullu Naalakkersuisoq)

### **Siullermeerinninneq:**

Naleqqamiit Naalakkersuisut siunnersuutaat qutsaviginiarparput.

Naleqqamiit pingaartipparput oqaatsit Inatsisartut oqallinneranni atorneqartut timitalerniaqaraangata immersuissalluta. Ullumikkut pingaaruteqarpoq immikkut qivialarnissaa inatsisilioraangatta qanoq innuttaasutsinnut iluaqtaanissaa. Misissueqqissaarnerit ilutigalugit asbestos, PCB allarpassuillu paasineqarnikuvoq sunniutissartaat ajortut. Ullumikkut iliuuseqareerneq ilutigalugu iliuusissat ingerlareerput.

Naalakkersuisut tunngavilersuutiminni allappaat:

”nunani tamalaani isumaqatigiisutip atuutsinneqalernerani inatsisinik,

Nalunaarusiorernik, avatangiisinut misissuinernik aammalu paassisutissanut najoqquṭassanik suliaqarnermut allaffissornikkut aningaasartruutit, Namminersorlutik Oqartussat pisussaaffigisussaavaat”.<sup>1</sup>

Allaffissornerunissaq piinnarani aammali nalunarluni inissiat 2002 sioqqullugu, nunatsinni amerlaqisut, ingutserneqarneranni aningaasartruuteqartoqassasoq. Naluneqarlunilu qanoq annertutigisumik akiligassiisoqassanersoq siunissami ingitsilerpata.



Imminut akilersinnaassuseqartumik oqariartuuteqarneq maluginiarpaput. Nalunaarusiarli ersarissumik aamma oqariartuutigaa eqqaavissuarnik ikuallaasarneq akiugassat ilarigaat.

Suli illoqarfiiit isorliunerusut aammalu nunaqarfiiit amerlanerit eqqaaveqarnerat aaqqiiviginagu, ESANI A/S siuarsarniarlugulusooq maanna Naalakkersuisut siunnersuutaat tiguneqarsinnaavoq.

Nunatta minguitsuunissaa Naleqqap pingaartippaa.

Nunattali inui ineriartornermut peqataatillugit inissinnissaq pingaartilluinnarlugu. Qulaaniik toqqusassillugillusooq inissiinissaq orniginarpa?

Akiligassaq isorliunerusunut qanoq annertutigilissava? Eqqaaveqarneq aaqqiivigineqalerpa?

Nunatsinni atuutilerneqaraluarpuunniit Danmark akisussaasuulluni oqariartuutigisimavaa nakkutiginaviarnagu nunatsinni malinneqarnersoq.

Siunnersuut siunertaqarpa taava?